


Iroun Beretitenti
Thomas S. Monson



Karaoa te Tai ibukin te Tia Kamaiu

Ai manga tain naba te Kiritimati ao e nang roko te ririki ae boou. E namakinaki bwa kanga ai tibwa ngkoananoa te tai ae nako are ti bukamarua iai bungiakin te Tia Kamaiu ao ni katei kouru ni kakoroi nanoia n te ririki ae boou.

Ibuakon katean ara kouru ibukin te ririki aei, ti a tia ni katea ara kouru ni karekea ara tai inanon maiura ibukin te Tia Kamaiu ao ni karikirakei namakin aika tamara Nakoina? E aki kakawaki bwa nakoraoira arora ae ti mena iai ni karokoa te tai aei ni karaoan ara kouru, I kakoaua bwa ti bane ni kakororaoa nanona n ae tamara riki. Tain te Kiritimati aei bon te tai ae tamara n tuo iao ni kabououi ara beku.

Ni maiura aika katabetabe, a mwaiti bwaika e riai bwa ti na karaoia, ma nanora ni koaua n uota Kristo nako nanon maiura ao inanon mweengara. Ao e kakawaki bwa ngaira, n aroia Taan Rabakau mai Mainiku, a teimatoa ni kaea Itoina ao “n roko n taromauria.”¹

Rikaki nakon rooro ma rooro , te rongorongo mai iroun te Tia Kamaiu bon ti te arona. Nakon Betero ao Anterea n naman Kariraia, E taku, “Irirai.”² E roko te wewete nakon Biribi, “Irirai.”³ Nakoia tibun Rewi ake a tekateka ni nen te tia ikoikoti ana mwane te Uea e roko te kaetieti, “Irirai.”⁴ Ao nakoim ao nakoiu, ngkana ti kakauongo, e na roko naba te aekaki ni kakao ni wewete anne: “Irirai.”⁵

Ngkana ti ira Ana katoto n te bong aei, e na reke ara tai ni kakabwaiai maiuia tabeman. E kaoira Iesu bwa ti na

beku ibukiia tabeman ibukina bwa e tangirii nanora ma ara iango n tatauraoi.⁶

Iai mairoumi ae kona ni karaoa te ibuobuoki nakon temanna n te Kiritimati aei? Iai temanna ae kantaningaiko bwa ko na kawaria?

Tabeua te ririki n nako I kawara mweengan te unaine ae e a tia nii mate buuna n tain te Kiritimati. Ngke I kawaria, iai temanna ae katanga beeron te mataroa. Imatan te mataroa e tei te tia korokoro ae rangin tatabetabe man kinaaki. E aki weteaki; irarikina, e namakina te wirikiriki bwa e na kawara te aoraki are e bon maeka n ti ngaia.

N tain te Kiritimati aei, te koraki ake aki kona ni kitamweengaia (ibukin aki taun marurungia) a tangira kawaraia n tain te Kiritimati. Te Kiritimati teuana ni kawaran te tienta n tararua, I tekateka ao ni maroro ma niman aine aika a unaine, te kabanea n ikawai mairouia bon 101 ana ririki. E mataki, irarikina e bon kinaa bwanaau.

“Bitiobi, ko rimwi teutana n te ririki aei!” e taku neiei. “I taku bwa ko nang aki roko.”

E rangin nakoraoi au tai ma ngaia. Temanna te aoraki, e ngae n anne, e taraa tinaniku man te wintoo ma nanona ae korakora ao e kaokioka “I ataia bwa e na bon roko n noorai n te bong aio natiu te mwaane.” I miimi ngkana e na bon roko, bwa iai tabeua taa ni Kiritimati ngke e bon tuai man roko.

Irarikina iai te tai n te ririki aei n anga baaira n ibuobuoki, n te tangira, ao te akoi—n taekana teuana, n irira ana

katoto ara Tia Kamaiu ao ni beku n aron are E na karaoir a bwa ti na beku. Ngkana ti beku Ibuikina, ti na aki kabwara nanora n ara tai, n aron ae e karaoria te tia tararua te auti n iruwa are ngkoe,⁷ ni karaoa te tai Ibuikina inanon maiura ao ni karekea n Nena inanora.

Ti kona n ota ni kamiiimin te berita ae e mena inanon ana rongorongo te anera are e angania taan kawakin tiibu ake a maeka n te tawana: “I tuangkami te rongorongo ae raoiroi, ae kakimwareirei. . . Ba e bungiaki n ana kawa Tawita n te bong aei . . . Tia Kamaiu, are te Mesia are te Uea”?⁸

Ngkai ti kaai n angabatia n te Kiritimati, ti bia uring-nga, ni kakaitau, ao ni butimwaea te kabanea ni bwaintangira—ara tia Kamaiu ao ara tia Kaboira, n te aro bwa ti aonga ni karekea te maiu ae akea tokina.

“E aki kabwaia te aomata ngkana e anganaki te bwaintangira, ao e aki karekea? Nooria, e aki kimwareirei te aomata n te bwaintangira are e anganaki, ke e aki kimwareirei iroun are e anga te bwaintangira.”⁹

Au kantaninga bwa ti na Iriria, ni beku Ibuikina, ni Karinea, ao ni karekei inanon maiura Ana bwaintangira nakoira, n ana taeka te Karo Riaai ti aonga ni, “katobibiaki n ana tangira n aki toki.”¹⁰

BWAII AIKA A NA TARAAKI

1. Mataio 2:2.
2. Mataio 4:19.
3. Ioane 1:43.
4. Mataio 9:9.
5. TaraaDoctrine ao Covenants 38:22.
6. Taraa Doctrine ao Covenants 64:34.
7. TaraaRuka 2:7.
8. Ruka 2:10-11.
9. Taara Doctrine ao Covenants 88:33.
10. 2 Nibwaai 1:15.

REIREI MAN TE RONGORONGO AEI

E kaoira Beretitenti Monson bwa ti na “karaoa raoi ara beku mai inanora, n uota Kristo nako nanon maiura ao inanon mweengara.” Iangoia ao ni maroroakinna ma naake ko reireinii bwa a na kanga ni karaoa raoi te mwakuri ma nanoia n tatabemaniia nako ao n aia utu. Ko bae n iangoia n titirakinia bwa a na iangoa te aomata ae riai ke te utu ake a kona ni kawariia ke ni beku

ibukiia n te Kriritimati aei. “Irarikina iai te tai n te ririki aei n anga baaim n ibuobuoki, n te tangira, ao te akoi.”

KAIRAKE

Taian Kawai ni Beku n tain te Kiritimati

Ekarekea ana tai Beretitenti Monson ni kawariia kaara ao naake n te tienta n tararuaiia kaara, ai moarara riki n tain te Kiritimati. E kaotia bwa iai ake a kukurei ibukina bwa iai aika kawariia, ngkai tabeman a tii kantaninga bwa taan kawariia a bon tuai man roko. Iai tabeman aika tiku n tataninga temanna—tao n te Kiritimati aei, ngkoe ko kona n riki bwa te tia roko are ko tataningaaki.

Aikai tabeua rinanin kawai ake ko kona ni buoka ni kokoaua raoi bwa akea temanna ae tiku ni maroaa n te Kiritimati aei. Ko inaomata n iangoi kawai riki tabeua ake ko kona n anga iai am iraorao inanon am kaawa n te tai aei. “Iai temanna ae kakantininga kawarana iroum?”

- Karaoi bebwa ni Kiritimati ni kanakoi nakoia mitinare ao kaain am uoote ke mwaanga aika tuai n iein ake a kara.
- Anganano ma bootakin te kaawa n te aba.
- Anga tabeua katooton ana Boki Moomon bwa bwaintangira n te Kiritimati nakoia raoraom ao kaain rarikim.
- Kawariia aomata ake a kara n am uoote ke n am utu.
- Karaoi bwaika a kakukurei ao nikiri irouia kaain rarikimi.

ATAEI

Irira te Ota

Imwiiin bungiakin Iesu, Taan Rabwakau a uoti bwaintangira Nakoina. A irira te itoi ae boou, ae otamwaaka i karawa n Ukoukoria. Baikara bwaintangira ake ko naangan Iesu n te Kiritimati aei?



Anuan Iesu Kristo: Te Nanoanga ao te Akoi

Tataromwaaka ni kamatebwiaia te bwai n reirei aei ao n ukoria bwa ko aonga n ataia bwa tera ae ko na tibwaia. E na kanga atakin katein te Tia Kamaiu mairoun te Atua ni kakorakora am onimaki Irouma ao ni kakabwaiaria naake ko tararuiaia rimanon te kakawari n reirei? Ibukin rongorongona riki tabeua, nakon reliefsociety.lds.org.

Aio mwakoron Rongorongan te Reirei ni Kakawari are e kaota iai anuan te Tia Kamaiu.

“Ni booki aika tabu, karekean te nanoanga e kaota te korakai n raonakin temanna. E nanonaki naba bwa kaotan te iraorao n te namakin, te atataiaomata, ao te nanoanga ibukin temanna.”¹

“Iesu e katauraoi katooto aika batu n te tabeaianga n nanoanga,” e taku Beretitenti Thomas S. Monson. “Te mwaane ae mwauku n te nei ae Beteteta; te aine ae kuneaki ngke e wene ni bure; te aine n ana mwaniba Iakoba; natin Iairo te aine; Rataro, mwaanen Maria ao Maretan—ni kabane a tei ibukin ana nanoanga Kristo are e taekinaki n ana kaikōnaki ibukin te Itamaria ae Raoiroi. Ni kabane a kainnanao buokaia.

“Nakon te mwauku i Beteteta, e taku Iesu, ‘Tei rake, tabeka kiem, ao nakonako.’ Nakon te aine are e bure e reireina, ‘Ko na nako, tai manga bure.’ Ni buoka neiene e roko bwa e na itiran, E katauraoa te manibwa n ran ‘ae koburake nako nanon te maiu are aki toki.’ Nakon natin Iairo te aine are e mate e roko e anganaki te kaetieti, ‘Te teinaine, I

taku nako im, Uti.’ Nakon Rataro are e mena n te nne ni mate, ‘Oti mai.’

“Te Tia Kamaiu e aki toki ni kaotia bwa akea tokin te nanoanga. . . . Au kantaninga bwa ti na tatauraoi nakon Ana reirei ao Ana katooto bwa ti aonga n riki n ai arona-te katooto ae maiu n te nanoanga ae koaua.”²

Rakan riki Booki aika Tabu

Taian Areru 145:8; Tekaria 7:9;
1 Betero 3:8; Motiae 15:1, 9;
3 Nibwaai 17:5–7

Man Koroboki aika Tabu

“Ngai ma kainabau ti katorobubua irarikin natira te aine ae 17 ana ririki ni maiu ao ni korakai ni bubuti ibukin maiuna,” e taku Titita Linda S. Reeves, te kauoman ni kauntira n te beretentii ni kabuta n te Bootaki n Aine. “Te kaeka bon tiaki, ma ti atia . . . bwa . . . [te Tia Kamaiu] iai namakinan te nanoanga ibukin rawawatara.”³

“Teuana te karaki ae mamate nanou iai ni maiun te Tia Kamaiu bon karakinan Rataro. Ti tuangaki ni booki aika tabu bwa ‘Iesu e tangira Maretan, . . . tarina [Maria], ao [mwaaneia] Rataro.’”⁴ Ngke e a rangin aoraki Rataro, e roko te rongorongo

ironun Iesu, ma ngke E a roko ao e a kaman mate Rataro imwaaina. E biri Maria nakon Iesu, e bwaka iaon Waena, ao e tang. Ngke e noora Maria Iesu n tang, “e ngirangira i nanona, ao . . . e tang” (Ioane 11:33, 35).

“Anne tabera. Ti riai n namakinna ao noori i bon iroura ao ngkanne ni buokiia ni kabane natin te Tama are i Karawa n namakinna ao n nooria ao n ataia bwa ara Tia Kamaiu e katokaa iaona tiaki tii ara bure ni kabane ma marakira naba ao rawawatara ao korakaira bwa E aonga n ataia bwa tera ara namakin ao e na kanga ni karaui nanora.”⁵

BWAII AIKA A NA TARAAKI

1. Guide to the Scriptures, “Compassion.”
2. Thomas S. Monson, “The Gift of Compassion,” *Riaona*, Mati. 2007, 4–5, 8.
3. Linda S. Reeves, “The Lord Has Not Forgotten You,” *Riaona*, Nobembwa. 2012, 120.
4. Linda S. Reeves, “The Lord Has Not Forgotten You,” 118.
5. Linda S. Reeves, “The Lord Has Not Forgotten You,” 120.

Iangoa Aio

Antai ae kona ni kakabwaiaki man am nanoanga?